

## Onisiny 2

1. Ta `daa mare yu alla kayime?

-Alla yu kayimia `daa giri bii lulle `deeny midhaba he lul `dugudoka yu ka gedia.

2. Bii lulle`deeny gudoka `deeny maya?

-`Deeny Waa`giet.

3. `Deeny Waa`giet `daa mare bii lulle `dugudo?

-Keyieka Waa`g `daa giri wodho mana.

-Waa`g he `duwa takama hogoto.

4. `Deeny Waa`giet ale ki gaa argira?

-`Deeny Waa`giet al ki gaa arigiruwa war`gat Waa`giet gere.

5. War`gat Waa`giet meete ke yiedhe?

-War`gat Waa`giet war`gat saasmana ki yiedhe.

6. `Deeny Waa`giet war`gat Waa`giet gere hate gaal vere?

-Warram kisotia Waa`g gaal nini mare shunate, `deenyle gaal naala wodhin gaa idiche.

-Waasel gaal naala `deeny Waa`giet war`gat Waa`giet ger gaa vere.

7. Gaal naala war`gat Waa`giet `deeny gaa verela `deenyle?

-He muniny.

-Gaal Waa`g shunatela, `deeny vereka `deeny Waa`giet `duwaka.

8. Gaal `deeny Waa`giet verenoka war tigide gere `dee gaa vere?

-He muniny.

9. War`gat Waa`giet lulle gaal verenoka warram mia gaal gaa bete?

-Gaal war`gat Waa`giet verenoka warram shi tigide ku`d eyi le gaa bete.

10. Gaal war`gat Waa`giet verela mi maya?

-Gaal war`gat Waa`giet vereka gaal Aihud ubaa ma Girik tigide.

11. Gaal war`gat Waa`giet vereka af mare ki vere?

-Af Aihud ubaa af Girik ki vere.

12. War`gat Waa`giet gaal vereka `dee mia hi `duwa?

-Lulle hi `duwa.

13. War`gat Waa`giet `deeny ki gaa argiruwa hate lulle `duwa?

-Keyieka Waa`g `daa giri wodho mana.

-Waa`g `deeny `duwa takama gaal gedicha.

-War`gat Waa`giet gerle gaa vereka erkoba meete chie?

-War`gat Waa`giet gerle gaa vereka `deeny erkoba ataala yie.

-Erkoba yie.

-`Deeny Waa`giet erkoba `daa mare yie?

-Keyieka `dee lulle hat erkoba les ijeka mun ki onota mi fe`de.

-He ki argola lulle erkoba he ije?

-Ii ije.

-He ki ma arginya erkoba he ije?

-Ii ije.

-Erkoba meto sidh hate onoye?

-Erkoba meto war ubaa bas he ije?

-He man.

-Erkoba meto waarr ubaa tim he ije?

-He man.

-Erkoba meto aadho `gui ubaa hidhino he ije?

-He man.

-Erkoba meto binne ubaa kimire he ije?

-He man.

-Erkoba meto ur ubaa les he ije?

-He man.

-Erkoba meto lulle manayeka galaat he ije?

-He man.

-Bas, tim, aadho, ur, ubaa les erkoba meto manayeka galaat he les alla gaa ijeka he u`do?

-He ma uriny.

-Erkoba meto gaal edhka ubaa gaal ongora he ije?

-He man.

-Erkoba meto him naasan he ije?

-He man.

-Erkoba meto he lulle man.

-Eba erkoba `deeny Waa`giet ki war`gat Waa`giet gerle ki gaa toyo.

-Erkoba Waa`g.

-Erkoba Waa`g `deenyle hogotoka meete?

-Erkoba meto Waa`g takamle ida.

-Erkoba meto maya takamile bii gaa ije?

-Waa`g takama.

-Erkoba meto Waa`g takama bii gaa ideka he lulle maa hi `du gudoka maya?

-Waa`g takama.

-Waa`g bas ubaa war he `du gudo.

-`Daa mare?

-Keyieka erkoba meto maa bii gaa ijeka Waa`g takama.

-Waa`g waarr ubaa tim he `du gudo.

-`Daa mare?

-Keyieka erkoba meto maa bii gaa ijeka Waa`g takama.

-Waa`g aadho, `gui ubaa hidhino he `du gudo.

-`Daa mare?

-Keyieka erkoba meto maa bii gaa ijeka Waa`g takama.

-Waa`g les ubaa ur he `du gudo.

-`Daa mare?

-Keyieka erkoba meto maa bii gaa ijeka Waa`g takama.

-Waa`g gaal bii lulle gaa ijoka he `du gudo.

-`Daa mare?

-Keyieka erkoba meto maa bii gaa ijeka Waa`g takama.

-Waa`g him naasan bii lulle gaa idoka he `du gudo.

-`Daa mare?

-Keyieka erkoba meto maa bii gaa ijeka Waa`g takama.

-`Daa giri erkoba maa gaal `duwa geduwaka maya?

-Waa`g takama.

-Galaat `daa giri erkoba `dee ma ka gedinyala `daa mare?

-Keyieka erkoba galaat man.

-Him naasan `daa giri erkoba `dee ma ka gedinyala `daa mare?

-Keyieka erkoba him naasan man.

-Waa`g amare wol ka kone?

-Waa`g wol ma ka koniny.

-Waa`g bar lulle he bii gaa ide.

-Waa`g biyo.

-Maa Waa`g ka konia he ije?

-Man.

-Waa`g biyo.

-Gaal tata Waa`g takamle wol ka kone yiedhe ta'b` do`dodho.

-Maa Waa`g ka konia in tudle Waa`g?

-He muniny.

-Waa`g biyo.

-Waa`g he ma ka koniny ubaa he ma `dalan.

-Waa`g af bii gaa manayeka he ije?

-He man.

-Waa`g bar lulle ije.

-Waa`g bar lulle alia ije.

-Waa`g bar lulle he ije.

-Waa`g af bii gaa manayeka man.

-Waa`g he ma kufuminy.

-Waa`g he ger hi ma bolominy.

-Waa`g he bare hi ma chegesiny.

-Galaat bii gaa ijola `guom ubaa bie he fe`de. Waa`g bii gaa idola he fe`doka meete?

-Waa`g bii gaa idola he nini fe`doka man.

-Taa Waa`g hate ida?

-Waa`g forgogintle ale ki ida.

-Taa ale Waa`g les `dug gaa seseena ma fe`dinya la `daa mare?

-Keyieka Waa`g `daa giri forgogintle ki idoka.

-Waa`g aadh edhumle ma fe`dinyala `daa mare?  
-Keyieka Waa`g `daa giri forgogintle ki idoka.

-Waa`g `daa mare `guom ma fediny?  
-Keyieka Waa`g `daa giri forgogintle ki idoka.

-Waa`g `daa mare igiminya ma fe`diny?  
-Keyieka Waa`g `daa giri forgogintle ki idoka.

-Les ubaa aadh mananya hi yediana iti u`do?  
-Itin ma uriny, Waa`g in he u`do.

-`Guom ubaa bie mananya hi yediana iti u`do?  
-Iti ma uriny, Waa`g in he u`do.

-Waa`g hat galaat muniny.  
-Waa`g hat binne muniny.  
-Waa`g hat him naasan muniny.

-Erkoba meto Waa`g takamle `daa giri bii gaa ideka mi in he nini fe`doka man.

-Aadho, `gui ubaa hidhino maa hi `du gudoka maya?  
-Waa`g takama.

-Ur ubaa les maa hi `du gudoka maya?  
-Waa`g takama.

-Galaat ubaa him naasan lulle maa hi `du gudoka maya?  
-Waa`g takama.

-Waa`g he `du gudoka he man.

-Waa'g he maa eiy taka hi `du gudoka he man.